

Ib Kauj Ruam Zuj Zus txog Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev

Lus sua ntsiab lus txog cov kauj ruam uas koj tsev neeg yuav tuaj yeem ua tau thaum nyob rau hauv Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev.



COV KAUK RUAM XUB THAWJ: KEV PIB

1

Kev Xa Mus

- Txhua tus, suav nrog leej niam leej txiv, uas muaj kev txhawj xeeb txog koj tus me nyuam yuav tuaj yeem xa nws mus rau Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev tau.
- Kev xa mus yuav tuaj yeem ua tau los ntawm kev hu xov tooj, xa fev, sau ntawv, los sis tus kheej mus kiag rau lub Children's Developmental Services Agency (CDSA) hauv cheeb tsam.
- Thaum tau txais kev xa mus lawm, Tus Neeg Dhia Dej Num Kev Pab Cuam Rau Kev Cuam Tshuam Pab Thaum Ntxov yuav raug xaiv los pab koj tsev neeg.

2

Cov Kev Tiv Tauj Thawj Zaug

- Nyob rau thaum koj cov kev tiv tauj xub thawj nrog tus neeg dhia dej num kev pab cuam thiab lwm tus neeg ua hauv lwm hauv CDSA, lawv yuav nug koj txog koj tus me nyuam, nws txoj kev loj hlob, thiab keeb kwm fab kev kho mob.
- Cov kev sib ntsib sib tham xub thawj no yuav pab kom peb nkag siab txog koj tej kev txhawj xeeb thiab tej yam tseem ceeb ntawm tsev neeg, yam uas koj tus me nyuam ua tau zoo lawm nyob rau tam sim no, thiab tej suam uas yuav tsum tau txhim kho, suav nrog tej kev ua tiav thiab tej teeb meem nyuaj uas koj yuav ntsib nyob rau tej dej num txhua hnuv.

3

Kev Ntaus Nqi Xyuas thiab Kev Ntsuam Xyuas

- Txhawm rau txiav txim siab seb koj tus me nyuam puas muaj cai tsim nyog tau txais Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev, ces yuav tsum tau ntaus nqi xyuas koj tus me nyuam lub peev xwm tam sim no.
- Cov ntaub ntawv uas suav sau tau los ntawm qhov kev ntsuam xyuas yuav qhia peb txog yam uas koj tus me nyuam ua tau zoo thiab txhua suam kev loj hlob uas yuav tau txais txiaj ntsig los ntawm kev txhawb pab thaum ntxov.

4

Txoj Phiaj Xwm Kev Pab Cuam Uas Haum Rau Tsev Neeg (IFSP)

- Thaum koj tus me nyuam raug txiav txim tias muaj cai tsim nyog tau txais Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev, ces tus neeg dhia dej num kev pab cuam yuav qhia txog kev tsim txoj IFSP.
- Kev tsim txoj IFSP thawj zaug yuav tsum tsim tsis pub dhau 45 hnuv txij li kev xa mus.

5

Kev Muab Kev Pab Cuam

- Koj tus me nyuam yuav tau txais cov kev pab cuam raws li tau teev tseg hauv txoj IFSP.
- Cov kev pab cuam uas teev tseg hauv txoj IFSP yuav tsum pib tsis pub dhau 30 hnuv tom qab tsim tau txoj IFSP thiab tsev neeg kos npe rau lawm.

6

Kev Tshuaj Xyuas Txoj IFSP

- Yog tias tej kev xav tau ntawm koj tus me nyuam thiab tsev neeg muaj kev hloov pauv, ces cov kev txhawb pab thiab cov kev pab cuam kuj yuav tsum tau hloov mus ib yam thiab.
- Txoj IFSP yuav raug tshuaj xyuas yam tsawg kawg txhua rau lub hli txhawm rau ua kom ntseeg tau tias nws tseem haum rau tej yam uas tseem ceeb rau koj thiab koj tus me nyuam thiab tsev neeg tej kev xav tau.
- Koj tuaj yeem thov hloov kho los sis tshuaj xyuas koj txoj IFSP tau txhua lub sij hawm.

7

Kev Hloov Txauv

- Cov me nyuam uas yuav hloov tawm ntawm Lub Khoos Kas Rau Cov Me Nyuam Mos-Cov Me Nyuam Uas Tab Tom Xyaum Mus Kev thaum lawv tsis muaj cai tsim nyog tau txais lub khoos kas los sis thaum lawv muaj hnuv nyooog txwm peb xyoo lawm.
- Cov phiaj xwm kev hloov pauv yog muab teev tseg rau hauv txoj IFSP lawm.

COV KAUK RUAM TXUAS MUS TOM NTEJ: COV KEV PAB CUAM

COV KAUK RUAM YAV PEM SUAB: KEV TAWM NTAWM LUB KHOOS KAS MUS

Cov niam cov txiv tuaj yeem xaiv ua raws li lawv tus kheej lub peev xwm, tsum qhov kev txiav txim txog kev muaj cai tsim nyog tau txais los sis thim tawm ntawm lub khoos kas mus tau txhua lub sij hawm.

